



Broj: 01-11-2711/22-AP-4

Datum: 31.10.2022. godine

Na osnovu člana 13. i 18. Privremene Statutarne Odluke Grada Zavidovići („Službeni glasnik Općine Zavidovići“, broj 4/2022), a u vezi sa članovima 106. i 120. Poslovnika o radu Općinskog vijeća Zavidovići („Službeni glasnik Općine Zavidovići“, broj 7/14 – prečišćeni tekst, 8/14, 9/14, 8/18, 4/21 i 4/22) i („Službeni glasnik Grada Zavidovići“, broj: 5/22.), Gradsko vijeće Zavidovići na 6. sjednici održanoj dana 31.10.2022. godine, razmatralo je Nacrt Odluke o izvršavanju Budžeta Grada Zavidovići za 2023. godinu, pa nakon rasprave donijelo

## ZAKLJUČAK

1. Gradsko vijeće Zavidovići prihvata Nacrt Odluke o izvršavanju Budžeta Grada Zavidovići za 2023. godinu.

2. Nacrt Odluke o izvršavanju Budžeta Grada Zavidovići za 2023. godinu, upućuje se na javnu raspravu, koja će se održati u Velikoj sali zgrade gradskih organa Zavidovići, a čiji termin održavanja će utvrditi Službe za upravu finansija, budžet i trezor.

3. Zadužuje se Službe za upravu finansija, budžet i trezor da u periodu od 30 dana, organizuju provođenje javne rasprave putem sredstava javnog informisanja, WEB stranice Grada Zavidovići, udruženja građana, javnih ustanova, mjesnih zajednica i političkih organizacija u kojem će se primati pismeni prijedlozi, mišljenja i sugestije.


4. O rezultatima javne rasprave i pretresu na sjednici Gradskog vijeća Službe za upravu finansija, budžet i trezor dužna je podnijeti izvještaj Gradonačelniku i Gradskom vijeću.

5. Gradonačelnik će prilikom utvrđivanja Prijedloga Odluke o izvršavanju Budžeta Grada Zavidovići za 2023. godinu, uzeti u obzir primjedbe i mišljenja sadržane u Izvještaju Službe za upravu finansija, budžet i trezor kao i mišljenja i prijedloge iznijete tokom pretresa na Gradskom vijeću, te će obrazložiti razloge zbog kojih eventualno nije prihvatio pojedine prijedloge i mišljenja koji su iznijeti u javnoj raspravi.

6. O realizaciji ovog zaključka staraće se Službe za upravu finansija, budžet i trezor i Stručna služba Gradskog vijeća.

ZAMJENIK PREDSJEDAVAJUĆE  
GRADSKOG VIJEĆE

Prof. dr. Refik Ćatić





Broj: 01-11-2711/22-AP-5

Datum: 31.11.2022. godine

Na osnovu člana 7. stav 2., a u vezi s članom 1. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 25/22) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), Gradsko vijeće Zavidovići na 6. sjednici održanoj dana 31.10.2022. godine, donijelo je

**O D L U K U**  
**o izvršavanju Budžeta Grada Zavidovići za 2023. godinu**

**I - OPĆE ODREDBE**

**Član 1.**  
**(Predmet)**

Ovom odlukom uređuje se način izvršavanja Budžeta Grada Zavidovići za 2023. godinu (u daljem tekstu: Budžet), upravljanje prihodima primicima, i rashodima i izdacima Budžeta, prava i obaveze korisnika budžetskih sredstava, ovlašćenja Gradonačelniku i Pomoćniku gradonačelnika Službe za upravu finansija, budžet i rezerv, u izvršavanju Budžeta za 2023. godinu, kazne za neispunjenoj obaveza te druga pitanja u izvršavanju Budžeta.

**II - SADRŽAJ BUDŽETA I FINANSIJSKOG PLANA**

**Član 2.**  
**(Sadržaj budžeta)**

- (1) Budžet se sastoji od općeg i kapitalnog budžeta.
- (2) Opći dio Budžeta čini račun prihoda i rashoda, račun kapitalnih primitaka izdataka i račun finansiranja.
- (3) Kapitalni Budžet čine izdvajanja za kapitalne investicije po izvorima finansiranja.

**III - IZJAVA O FISKALNOJ ODGOVORNOSTI**

**Član 3.**  
**(Fiskalna odgovornost)**

- (1) Rukovodilac jedinstvenog gradskog organa uprave odgovoran je za:
  1. zakonito i namjensko korištenje sredstava i
  2. efikasno i uspješno funkcionisanje sistema finansijskog upravljanja i kontrole u okviru budžetom utvrđenih sredstava.

(2) Rukovodilac je dužan svake godine za prethodnu budžetsku godinu, za period u koje je obavljao poslove rukovodioca, popuniti Izjavu o fiskalnoj odgovornosti (u daljem tekstu: Izjava).

(3) Uz Izjavu se prilaže i planovi otklanjanja slabosti i nepravilnosti utvrđeni od strane nadležnih organa, izvještaj o otklonjenim slabostima i nepravilnostima utvrđenim u

prethodnoj godini i mišljenje internih revizora o sistemu finansijskog upravljanja i kontrole za oblasti koje su bile revidirane u prethodnoj godini.

#### IV - IZVRŠAVANJE BUDŽETA

##### Član 4.

(Izvršavanje budžeta)

(1) Gradske službe u saradnji sa Gradskim pravobranilaštvom, odgovorne su za potpunu i blagovremenu naplatu prihoda i primitaka iz svoje nadležnosti, za njihovu uplatu na depozitni račun i za izvršavanje svih rashoda i izdataka u skladu sa namjenama.

(2) Gradske službe u saradnji sa Gradskim pravobranilaštvom, su dužne provesti sve zakonom propisane radnje u cilju naplate potraživanja po osnovu ugovora ili bilo kojeg drugog potraživanja po osnovu javnih prihoda.

(3) Za nenaplativa potraživanja Gradonačelnik, može donijeti odluku o otpisu potraživanja, u skladu sa zakonom i podzakonskim aktima koji regulišu ovu oblast.

(4) Korisnici sredstava u budžetu odgovorni su za zakonito, namjensko, efikasno i ekonomično raspolaganje budžetskim sredstvima.

(5) Način izvršenja budžetskih sredstava namijenjenih funkcionisanju Gradskog vijeća vršit će se u skladu s zakonom i aktima Gradskog vijeća.

(6) Budžet se izvršava na osnovu Odluke o izvršavanju budžeta.

##### Član 5.

(Namjenski prihodi i primici)

(1) Namjenski prihodi i primici budžeta su pomoći, donacije, prihodi koji se prikupljaju prema posebnim propisima kojima je utvrđena namjena korištenja tih prihoda, prihodi od prodaje ili zamjene imovine u vlasništvu Grada i namjenski primici od zaduživanja, emisije vrijednosnih papira i prodaje dionica i udjela.

(2) Prihodi i primici iz stava 1. ovoga člana uplaćuju se na depozitni račun.

##### Član 6.

(Neiskorišteni namjenski prihodi i primici)

Namjenski prihodi i primici koji nisu iskorišteni u prethodnoj godini prenose se u Budžet za tekuću budžetsku godinu.

##### Član 7.

(Trošenje namjenskih prihoda i primitaka)

(1) Ako su namjenski prihodi i primici uplaćeni u iznosu manjem od planiranog u Budžetu, korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

(2) Uplaćene i / ili prenesene, a manje planirane pomoći, donacije i prihodi za posebne namjene kao i transferi za posebne namjene, između korisnika javnih sredstava, mogu se izvršavati iznad iznosa planiranih u Budžetu, a do visine uplaćenih, odnosno prenesenih sredstava, po odlukama Gradonačelnika, a na prijedlog gradske službe.

##### Član 8.

(Nenamjensko trošenje budžetskih sredstava)

Za iznos nenamjenski utrošenih sredstava u prethodnoj godini, korisniku budžetskih sredstava umanjiti će se budžetska sredstva za iznos nenamjenskog utroška sredstava u godini u kojoj je utvrđeno nenamjensko korištenje sredstava.

##### Član 9.

(Uplata vlastitih prihoda)

Vlastiti prihodi jedinstvenog gradskog organa uprave, uplaćuju se na depozitni račun.

**Član 10.**  
(Izvršavanje budžeta)

- (1) Budžet se izvršava u skladu sa prilivom sredstava na Jedinstvenom računu trezora (dalje u tekstu: JRT).
- (2) Plaćanje obaveza iz osnova vanjskog i unutrašnjeg duga prioritetna je obaveza Grada, nakon čega se plaćaju zakonske obaveze, ugovorene obaveze te ostale obaveze, planirane Budžetom.

**Član 11.**  
(Novčani tokovi)

(1) Služba za upravu finansija, budžet i trezor, nadležna je za izradu planova novčanih tokova, kojima se predviđa priliv i odliv sredstava na JRT, a koji predstavljaju osnovu za izvršavanje Budžeta.

(2) Pri izradi planova novčanih tokova Služba za upravu finansija, budžet i trzor, koristi informacije iz različitih izvora:

1. krajnje stanje JRT za prethodni period,
2. predviđanja svih prihoda i primitaka na JRT,
3. predviđanja svih rashoda i izdataka,
4. predviđanja servisiranja dugova,
5. projekcije inostrane pomoći i pozajmljivanja i
6. kretanja ključnih makroekonomskih parametara.

(3) Plan novčanih tokova razmatra i odobrava Odbor za likvidnost budžeta, kojeg imenuje Gradonačelnik.

(4) U skladu sa planom novčanih tokova i raspoloživim novčanim sredstvima vrši se alokacija sredstava budžetskim korisnicima, za izmirenje obaveza.

(5) Ukoliko je planiran deficit, u plan novčanih tokova uključuju se i preporuke o potrebnim korektivnim mjerama.

**Član 12.**  
(Operativni planovi)

(1) Služba za upravu finansija, budžet i trezor, na osnovu godišnjih i kvartalnih planova novčanih tokova, iskazanih po mjesecima, dostavlja gradskim službama instrukciju za izradu prijedloga operativnih planova rashoda i izdataka.

(2) Gradske službe su dužne dostavljati prijedloge godišnjih, kvartalnih i mjesecnih operativnih planova u skladu sa instrukcijom Službe za upravu finansija, budžet i trezor.

(3) Služba za upravu finansija, budžet i trezor izvijestit će Gradske službe o odobrenim operativnim budžetima.

(4) Gradske službe mogu predlagati Gradonačelniku stvaranje obaveza samo do visine sredstava odobrenih operativnim budžetom.

**Član 13.**  
(Plaće i naknade)

(1) Isplata bruto plaća i naknada, te naknada korisnicima prava po osnovu drugih zakona, može se vršiti samo do visine planiranih sredstava u Budžetu za te namjene.

(2) Osnovica za obračun plaće iznosi 330,00 KM.

(3) Bod za obračun plaće iznosi 1,3030303030.

**Član 14.**  
(Obaveze)

(1) Služba za upravu finansija, budžet i trezor vrši plaćanja obaveza.

(2) Svaki rashod i izdak iz Budžeta mora se zasnivati na vjerodostojnoj knjigovodstvenoj ispravi kojom se dokazuje obaveza za plaćanje.

(3) Odgovorna lica gradskih službi, prije potpisivanja knjigovodstvene isprave moraju provjeriti pravni osnov i visinu obaveze koja iz nje proizlazi.

(4) Knjigovodstvene isprave se zatim kontrolišu i dostavljaju na potpis Gradonačelniku.

### Član 15.

(Dozvoljena visina sredstava za trošenje)

(1) Gradske službe ne smiju predlagati Gradonačelniku stvaranje obaveza iznad iznosa odobrenog operativnog budžeta, putem operativnih planova za tu gradsku službu.

(2) Pomoćnik načelnika Služba za upravu finansija, budžet i trezor, ima pravo rješenjem obustaviti od izvršenja odluku koja je u suprotnosti sa Zakona o budžetima u Federaciji Bosne i Hercegovine i Odlukom o izvršavanju budžeta.

(3) Korisnici doznačenih transfera ili zajmova, dužni su dostaviti nadležnoj gradskoj službi izvještaj o namjenskom utrošku sredstava.

(4) U slučaju da korisnici iz stava 4. ovog člana ne dostave izvještaj o namjenskom utrošku sredstava neće imati pravo aplicirati za dodjelu sredstava u narednoj fiskalnoj godini.

### Član 16.

(Aproprijacije)

(1) Odobrene aproprijacije za fiskalnu godinu mogu se koristiti do 31. januara naredne godine.

(2) Aproprijacije se mogu prenositi u narednu fiskalnu godinu za finansiranje kapitalnih projekata iz posebnih fondova.

(3) Aproprijacije u svrhe finansiranja višegodišnjih kapitalnih projekata, prenose se u narednu fiskalnu godinu prema iznosima i vremenskom rasporedu utvrđenom u Dokumentu okvirnog budžeta.

### Član 17.

(Preraspodjela sredstava)

(1) Preraspodjela sredstava na budžetskim stavkama, na zahtjev gradske službe, može se izvršiti najviše do 10% ukupno odobrenih rashoda i izdataka za jedinstveni gradski organ uprave, na osnovu rješenja Gradonačelnika.

(2) Uz zahtjev za preraspodjelu odobrenih sredstava, gradска služba mora priložiti odgovarajuću dokumentaciju na osnovu koje se daju na uvid razlozi za dodatnim sredstvima na budžetskoj stavci koja se povećava do kraja godine, odnosno razlozi za smanjenje odobrenih budžetskih stavki.

(3) Budžetska sredstva ne mogu se preraspodijeliti, osim pod uslovima i na način kako je utvrđeno Zakonom o budžetima u Federaciji Bosne i Hercegovine i Odlukom o izvršavanju budžeta.

(4) Budžetska sredstva ne mogu se, osim pod uslovima propisanima Odlukom o izvršavanju budžeta, preraspodijeliti između Računa prihoda i rashoda, Računa kapitalnih izdataka i primitaka i Računa finansiranja.

### Član 18.

(Tekuća budžetska rezerva - Razdjel 104 Glava 10401)

(1) Sredstva tekuće rezerve, planirana u Budžetu, koriste se za nepredviđene namjene, za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju Budžeta nije bilo moguće predvidjeti.

(2) Sredstva tekuće rezerve iz stava (1) ovoga člana mogu iznosići najviše do 3% planiranih prihoda, bez namjenskih prihoda, vlastitih prihoda i bez primitaka.

(3) Visina sredstva tekuće rezerve iz stava 2. ovoga člana utvrđuje se Budžetom.

(4) Sredstva tekuće rezerve ne mogu se koristiti za pozajmljivanje.

### Član 19.

(Korištenje sredstava tekuće rezerve)

(1) Korištenje sredstava tekuće rezerve odobrava, do određenih iznosa u skladu sa Odlukom o izvršavanju budžeta, Gradonačelnik na prijedlog Službe za upravu finansija, budžet i trezor.

(2) Služba za upravu finansija, budžet i trezor obavezna je tromjesečno izvještavati Gradonačelnika o korištenju sredstava tekuće rezerve.

(3) Gradonačelnik polugodišnje i godišnje, izvještava Gradsko vijeće o korištenju sredstava tekuće rezerve.

### Član 20.

(Raspored sredstava službe koja se ukida)

(1) Ako se u toku godine, na osnovu propisa, smanji nadležnost gradske službe, zbog čega se smanjuju i sredstva ili ako se ukine gradska služba, neutrošena sredstva za njezine rashode i izdatke prenose se u tekuću rezervu ili gradskoj službi, koja preuzima poslove o čemu odluku donosi Gradonačelnik.

(2) Ukoliko se u toku fiskalne godine prenesu određene nadležnosti gradske službe ili sama služba prestane postojati, Gradonačelnik je dužan formirati komisiju za popis imovine, obaveza i potraživanja.

### Član 21.

(Povrat pogrešno uplaćenih sredstava)

(1) Ukoliko se naknadno utvrdi da je isplata iz Budžeta izvršena nezakonito i / ili nemamjenjski, nadležna gradska služba ili Služba za upravu finansija, budžet i trezor, je dužna odmah zahtijevati povrat budžetskih sredstava na JRT.

(2) Ako se budžetskim nadzorom utvrdi da su sredstva korištena suprotno zakonu, Pomoćnik gradonačelnika Službe za upravu finansija, budžet i trezor, donosi rješenje o povratu sredstava na JRT.

### Član 22.

(Nabavka roba, radova i usluga)

Postupak nabavke investicionih roba, radova i usluga mora se obavljati u skladu sa Zakonom o javnim nabavkama Bosne i Hercegovine („Službeni glasnik Bosne i Hercegovine“, broj: 39/14).

### Član 23.

(Odluka o privremenom finansiranju)

(1) Ukoliko Gradsko vijeće ne donese Budžet prije početka fiskalne godine, privremeno se, na osnovu Odluke o privremenom finansiranju, nastavlja finansiranje poslova, funkcija i programa korisnika budžeta.

(2) Odluku o privremenom finansiranju donosi Gradsko vijeće.

(3) Privremeno finansiranje obavlja se najduže za prva tri mjeseca fiskalne godine.

(4) Privremeno finansiranje, u smislu stava 1. ovog člana obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu.

(5) U periodu privremenog finansiranja, finansiraju se isti programi, a jedinstveni organ uprave, ne smije povećavati broj zaposlenih u odnosu na stanje 31. decembra prethodne godine.

(6) Budžetski korisnici ne mogu započeti nove ili proširene programe i aktivnosti dok se ne donese Budžet.

(7) Nakon isteka privremenog finansiranja, u tom periodu ostvareni prihodi i primici, te izvršeni rashodi i izdaci uključuju se u Budžet tekuće godine.

(8) Budžet se mora donijeti najkasnije 31. marta tekuće godine.

(9) Ukoliko se budžet ne doneše do 31. marta, nakon toga se neće realizovati rashodi u bilo koju svrhu, osim otplate duga, sve dok se Budžet ne doneše.

### Član 24.

(Privremene mjere za uravnoteženje budžeta)

(1) Ako se u toku budžetske godine, zbog nastanka novih obaveza za Budžet ili promjena privrednih kretanja povećaju rashodi i / ili izdaci, odnosno smanje prihodi i / ili primici budžeta, Gradonačelnik može, na prijedlog Službe za upravu finansijskih, budžet i rezervi, donijeti odluku o obustavljanju izvršavanja pojedinih rashoda i / ili izdataka u trajanju do 45 dana.

(2) Mjerama privremenog obustavljanja izvršavanja, Gradonačelnik može:

1. zaustaviti preuzimanje obaveza i / ili,
2. predložiti produženje ugovorenih rokova plaćanja i / ili
3. zaustaviti preraspodjelu budžetskih sredstava, potrebnu radi preuzimanja obaveza.

(3) O odluci iz stava (1) ovog člana Gradonačelnik mora obavijestiti Gradske vijeće odmah nakon donošenja odluke.

### Član 25.

(Izmjene i dopune budžeta)

Ako se za vrijeme provođenja mera privremene obustave izvršavanja Budžeta, Budžet ne može uravnotežiti, vrše se izmjene i dopune Budžeta.

### Član 26.

(Transferi u Razdjelu 11 Glava 201)

Sredstva utvrđena u Razdjelu 11 Glava 201 Budžeta, pozicije: „Izdaci za rad komisija – Naknadačlanovima komisija koje imenuje Gradske vijeće“, „Izdaci za naknade vijećnicima“, „Izdaci za troškove edukacije i druge troškove vijećnika“, „Tekući transfer za troškove izbora“ odnosi se na naknade Gradskoj izbornoj komisiji shodno Zakonu, kao i na druge troškove vezano za izbore, „Tekući transfer parlamentarnim grupama“, koriste se prema aktima koje donosi Gradonačelnik.

### Član 27.

(Transferi u Razdjelu 13 Glava 203)

Sredstva utvrđena u Razdjelu 13 Glava 203 Budžeta, pozicije: „Izdaci za stručnu literaturu“, „Izdaci za pirotehnička sredstva za „Ramazanski top““, „Izdaci za usluge prevoza i goriva“, „Izdaci za tekuće održavanje“, „Izdaci osiguranja“, „Ugovorene usluge“, „Izdaci za hardverske i softverske usluge“, „Ostali izdaci za informisanje“, „Usluge stručnog obrazovanja troškovi za obuku državnih službenika i namještenika“, „Primarna opća zdravstvena zaštita uposlenih – sistematski pregledi i drugo“, „Izdaci po osnovu ugovora o stručnom osposobljavanju bez zasnivanja radnog odnosa - volonteri“, „Izdaci za rad ostalih stručnih komisija, za naknade po ugovorima i za rad savjeta Gradonačelnika“, „Izdaci za Kantonalni arhiv Travnik“, „Izdaci za prevoz građana u Potočare“, „Izdaci za obilježavanje državnih praznika i Dana Grada“, „Izdaci za certificiranje i održavanje certifikata“, „Tekući transfer za Savez općina i gradova“, „Transfer za troškove projektovanja, nabavke i instaliranje videonadzora gradskog područja – opći fond“, Izdaci za nabavku zgrada – „Vila“ – IP „Krivaja“ d.o.o. Zavidovići“ i "Nabavka opreme“, koriste se prema aktima koje donosi Gradonačelnik.

## Član 28. (Transferi u Razdjelu 13 Glava 204)

Sredstva utvrđena u Razdjelu 13 Glava 204 Budžeta, pozicije: „Izdaci za usluge popravki i održavanja – razvoj turizma“, „Ostale stručne usluge – vještačenje, analize, revizije, uzorkovanje i sl.“, „Izdaci za troškove pribavljanja građevinskih i upotrebnih dozvola“, „Izdaci za troškove izvršenja – Služba za upravu privrede, lokalni razvoj, infrastrukturu i međunarodnu saradnju“, „Tkući transfer za podršku projektima koji se finansiraju iz drugih izvora“, „Tkući transfer - subvencije javnim preduzećima - za učešće u finansiranju Agencije za lokalni razvoj - RAZ d.o.o.“, „Tkući transfer - subvencije javnim preduzećima za učešće u finansiranju Regionalne ekonomski zajednice“, „Tkući transfer za subvencije privredi i za zapošljavanje“, „Kapitalni transferi kantonima - izgradnja, rekonstrukcija i investiciono održavanje školskih objekata“, „Tkući transfer za sanaciju fasada zgrada kolektivnog stanovanja u saradnji sa kućnim savjetima stanara“, „Izdaci za nabavku objekata za izletničke namjene“, „Izdaci za vanjsku rasvjetu, pločnici i ograde“, „Nabavka objekata vodovoda i kanalizacije - opći fond“, „Kapitalni izdaci – rekonstrukcija cesta i mostova – podrška kapitalnim projektima“, „Investicijsko održavanje zgrade Grada“, „Kapitalni izdaci za rekonstrukciju i investicijsko održavanje – iz općeg fonda“ koriste se shodno zakonu, a prema aktima koje donosi Gradonačelnik.

## Član 29. (Transferi u Razdjelu 13 Glava 205)

Sredstva utvrđena u Razdjelu 13 Glava 205 Budžeta, pozicije: „Izdaci bankarskih usluga“, „Izdaci računovodstvenih i revizorskih usluga“, „Izdaci za procjenu fer vrijednosti stalnih sredstava“, „Tkući transfer za povrat više ili pogrešno uplaćenih sredstava“ i „Garancija / mjenica za kredit JKP „Radnik“ d.o.o. Zavidovići“, koriste se shodno zakonu, a prema aktima koje donosi Gradonačelnik.

## Član 30. (Transferi u Razdjelu 13 Glava 206)

Sredstva utvrđena u Razdjelu 13 Glava 206 Budžeta, pozicije: „Izdaci za održavanje javnih površina – Opći fond“, „Izdaci za javnu rasvjetu – potrošnja električne energije – Opći fond“, „Izdaci za troškove izvršenja – Služba za upravu poljoprivrede, vodoprivrede i komunalnih poslova“, „Tkući transfer za razvoj poljoprivrede“, koriste se prema aktima koje donosi Gradonačelnik.

## Član 31. (Transferi u Razdjelu 13 Glava 207)

Sredstva utvrđena u Razdjelu 13 Glava 207 Budžeta pozicije „Kapitalni transfer – troškovi eksproprijacije“, „Izdaci za nabavku poslovnog prostora“, „Kapitalni izdaci za sufinansiranje nabavke geodetskog instrumenta – sa FGU Sarajevo“, koriste se na osnovu akata koje donosi Gradonačelnik.

## Član 32. (Transferi u Razdjelu 13 Glava 208)

Sredstva utvrđena u Razdjelu 13 Glava 208 Budžeta pozicije „Izdaci za obilježavanje značajnih datuma“, „Izdaci za troškove provizije za prodaju administrativnih taksi“, „Izdaci za troškove štampanja administrativnih taksi“, „Tkući transfer za sufinansiranje izrade projekata i realizacije projekata sanacije ili izgradnje društvene infrastrukture u MZ (domovi, uredi) i za nabavku opreme“, „Tkući transfer JU „Kulturno-sportski centar“, za redovnu djelatnost i vanredne troškove“, „Tkući transfer za kulturne djelatnosti i manifestacije, bratimljenja i ostale manifestacije“, „Tkući transfer JU „Kulturno-sportski centar“ za „Ljeto u gradu“ i „Raspjevana jesen“, „Tkući transfer Javnoj biblioteci za kupovinu knjiga i razvoj zavičajne

zbirke i drugi troškovi“, „Tekući transfer za fizičku kulturu i sport“, „Tekući transfer za Nogometni klub“, „Tekući transfer za Muški rukometni klub“, „Tekući transfer za Ženski rukometni klub“, „Tekući transfer za troškove rada, korištenje i održavanje Gradske sportske dvorane i drugih sportskih terena i objekata“, „Tekući transfer za sportske manifestacije (Street basket, Vivicitta, malonogometni turniri u MZ i drugo)“, „Tekući transfer za učenike generacija osnovnih i srednjih škola“, „Tekući transfer za posebno nadarene studente – nagrada Alen Mehmedović“, „Tekući transfer za općinska takmičenja u znanju osnovnih i srednjih škola“, „Tekući transfer za podršku inkluzivne nastave“, „Tekući transfer za predškolsko obrazovanje i vaspitanje“, „Tekući transfer za prevoz pacijenata na hemodijalizu, radioterapiju i kemoterapiju“, „Tekući transfer za finansiranje hitne medicinske pomoći i higijensko-epidemiološke djelatnosti“, „Tekući transfer za „Zdravstveni savjet“, „Tekući transfer JU „Domu zdravlja“ za liječenje i pružanje zdravstvenih usluga penzionerima“, „Tekući transfer Centar za socijalni rad“, „Tekući transfer za socijalnu zaštitu“, „Tekući transfer za hitne i vanredne pomoći socijalno-ugroženim licima“, „Tekući transfer za sufinansiranje projekta „Podrška ranjivoj populaciji kroz unapređenje socijalnih usluga u lokalnim zajednicama u BiH u 2023. godini“, „Tekući transfer za pomoć u stambenom zbrinjavanju socijalno-ugroženih kategorija“, „Tekući transfer za branilačke populacije, tekovine OOR i antifašizam“, „Tekući transfer za subvencije naknada demobilisanim braniocima za dodijeljeno građevinsko zemljište, pogodnosti i uređenje građevinskog zemljišta“, „Tekući transfer za podršku integracije povratnika po ugovoru o readmisiji i ostali troškovi povratnika i raseljenih lica“, „Tekući transfer za stipendiranje studenata“, „Tekući transfer za subvenciju troškova prevoza učenika srednjih škola koji koriste javni prevoz“, „Tekući transfer za pogrebne troškove“, „Tekući transfer za mlađe“, „Tekući transfer za troškove djelatnosti i finansiranja projekata za Organizaciju porodica šehida i poginulih boraca“, „Tekući transfer za troškove djelatnosti i finansiranja projekata za Udruženje RVI Zavidovići '92.“, „Tekući transfer za troškove djelatnosti i finansiranje projekata za Udruženje dobitnika ratnih priznanja i odlikovanja Zavidovići, „Tekući transfer za troškove djelatnosti i finansiranje projekata za ortopedsku radionicu“, „Tekući transfer za troškove djelatnosti i finansiranje projekata za SJOB 92-95“, „Tekući transfer za Memorijalni centar Potočari“, „Tekući transfer za JU Centar za djecu i odrasle osobe s posebnim potrebama ZDK“, „Tekući transfer za podršku vjerskim zajednicama i crkvama“, „Tekući transfer za sufinansiranje troškova redovnog rada i projekata Udruženja „Mala sirena“, „Tekući transfer za podršku projektima udruženjima – nevladinom sektoru“, „Tekući transfer za sufinansiranje sigurne kuće „Medica“ Zenica“, „Tekući transfer za sufinansiranje projekata Fondacije „Mozaik“ (Fond omladinska banka)“, „Tekući transfer za OO Crveni križ“, „Tekući transfer Crvenom križu za organizovanje akcija dobrovoljnog darivanja krvi“, „Tekući transfer za MDD Merhamet“, „Tekući transfer MDD Merhamet za sufinansiranje javne kuhinje“, „Tekući transfer za UG PTSP za redovan rad i nabavku lijekova“, „Tekući transfer za UG „Slatki dani“ za djecu i mlađe oboljele od dijabetesa za nabavku Free Style senzora“, „Transfer za pomoć u liječenju djece“, „Tekući transfer za realizaciju sporazuma o sufinansiranju projekta udruženja u sklopu projekta „Link za saradnju“, „Tekući transfer za provođenje LAP-a za Rome“, „Tekući transfer za sufinansiranje troškova rada – Agencije lokalne demokratije Zavidovići“, „Izdaci za izgradnju, sanaciju i rekonstrukciju spomen-obilježja“, „Nabavka sistema zaštite Matičnih ureda“ koriste se na osnovu akata koje donosi Gradonačelnik.

Sredstva utvrđena u Razdjelu 13 Glava 208 Budžeta pozicija „Tekući transferi mjesnim zajednicama“ koriste se za redovan rad mjesnih zajednica, a na osnovu akata koje donosi Gradsko vijeće.

### Član 33.

(Transferi u Razdjelu 13 Glava 209)

Sredstva utvrđena u Razdjelu 13 Glava 209 Budžeta, pozicije: „Izdaci za izradu projekata i sanaciju klizišta“, „Izdaci za deminiranje“, koriste se prema aktima koje donosi Gradonačelnik, a u skladu sa zakonskim propisima.

### Član 34.

(Transferi u Razdjelu 14 Glava 210)

Sredstva utvrđena u Razdjelu 14 Glava 210 Budžeta, pozicije: „Izdaci za izvršenje po sudskim presudama i vansudske nagodbe“, „Izdaci za zatezne kamate, troškove spora i ostali troškovi zastupanja“ koriste se shodno zakonu, a prema aktima koje donosi Gradonačelnik.

### Član 35.

(Posebna naknada za zaštitu od prirodnih i drugih nesreća, naknada za vatrogastvo, naknada za zauzimanje javnih površina, komunalna naknada, naknada za uređenje gradskog građevinskog zemljišta, prirodna pogodnost i naknada za korištenje gradskog građevinskog zemljišta)

Namjenska sredstva ostvarena po osnovu posebne naknade za zaštitu od prirodnih i drugih nesreća, koristit će se u skladu sa „Zakonom o zaštiti i spašavanju ljudi i materijalnih dobara od prirodnih i drugih nesreća“ („Službene novine Federacije Bosne i Hercegovine“, broj: 39/03 i 22/06) i „Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća“ („Službene novine Federacije Bosne i Hercegovine“, broj: 46/05) i prema aktima koje donosi Gradonačelnik.

Namjenska sredstva ostvarena po osnovu posebne naknade za vatrogastvo, koristit će se u skladu sa „Zakonom o zaštiti od požara i vatrogastva Zeničko-dobojskog kantona“ („Službene novine Zeničko-dobojskog kantona“, broj: 5/11) i „Odlukom o naknadi za vatrogastvo“ („Službeni glasnik Općine Zavidovići“, broj: 4/13) i prema aktima koje donosi Gradonačelnik.

Namjenska sredstva ostvarena po osnovu naknade za zauzimanje javnih površina, koristit će se u skladu sa „Zakonom o građevinskom zemljištu“ („Službene novine Federacije Bosne i Hercegovine“, broj: 25/03, 16/04 i 67/05) i „Odlukom o zauzimanju javnih površina“ („Službeni glasnik Općine Zavidovići“, broj: 8/17, 4/18. i 6/19) i prema aktima koje donosi Gradonačelnik.

Namjenska sredstva ostvarena po osnovu komunalne naknade, koristit će se u skladu sa „Zakonom o komunalnim djelatnostima“ („Službene novine Zeničko-dobojskog kantona“, broj: 17/08) i prema aktima koje donosi Gradonačelnik.

Namjenska sredstva ostvarena po osnovu, naknade za uređenje gradskog građevinskog zemljišta, po osnovu prirodne pogodnost i naknade za korištenja gradskog građevinskog zemljišta (renta), koristit će se u skladu sa „Zakonom o građevinskom zemljištu“ („Službene novine Federacije Bosne i Hercegovine“, broj: 25/03, 16/04 i 67/05) i prema aktima koje donosi Gradonačelnik.

## V - KAZNENE ODREDBE

### Član 36.

(Novčane kazne)

Novčanom kaznom od 3.000 KM do 20.000 KM bit će kažnjeno za prekršaj odgovorno lice budžetskog korisnika, nosilac izvršne vlasti grada, nadležan za Budžet ili drugo odgovorno lice, ako:

1. ne uspostavi i ne vodi registar budžetskih korisnika,

2. izradi prijedlog finansijskog plana suprotno odredbama Zakona o budžetima u Federaciji Bosne i Hercegovine,
3. do 1. marta tekuće godine Službi za upravu finansija, budžet i trezor ne dostavi prijedlog prioriteta za izradu DOB-a za narednu godinu,
4. do 15. augusta tekuće godine Službi za upravu finansija, budžet i trezor ne dostavi sve budžetske zahtjeve za narednu godinu,
5. ne popuni Izjavu o fiskalnoj odgovornosti i istu ne dostavi nadležnom ministarstvu,
6. izvrši isplatu mjesečnih novčanih naknada korisnicima prava, u visini iznad iznosa planiranih sredstava u budžetu za te namjene,
7. ne primjenjuje sistem budžetskog računovodstva na način propisan ovim zakonom,
8. ne osigura postojanje sistema interne kontrole u skladu sa međunarodnim standardima interne kontrole,
9. ne podnosi periodične finansijske izvještaje,
10. ne podnese konsolidovani periodični izvještaj o izvršenju budžeta za prethodnu fiskalnu godinu,
11. ne podnese konsolidovani godišnji izvještaj o izvršenju budžeta za prethodnu fiskalnu godinu.

### Član 37.

(Novčane kazne)

Novčanom kaznom u iznosu od 5.000,00 KM do 20.000 KM kaznit će se za prekršaj odgovorno lice budžetskog korisnika, nosilac izvršne vlasti grada, nadležan za Budžet ili drugo odgovorno lice, ako:

1. odobri preuzimanje obaveza na teret Budžeta tekuće godine suprotno namjeni visini utvrđenoj u posebnom dijelu Budžeta,
2. u periodu privremenog finansiranja poveća broj zaposlenih u odnosu na stanje 31. decembra prethodne godine ili započne nove ili proširene programe i aktivnosti,
3. stvari obaveze iznad iznosa odobrenog operativnog budžeta kroz operativne planove za tog budžetskog korisnika,
4. postupak zaduženja provedu suprotno Zakonu o budžetima u Federaciji Bosne i Hercegovine,
5. ne omogući nesmetano vršenje budžetskog nadzora, odbije učestvovati u postupku nadzora ili na zahtjev inspektora budžetskog nadzora odbije dati na uvid svu potrebnu dokumentaciju.

## VI - ZAVRŠNA ODREDBA

### Član 38.

(Stupanje na snagu)

Ova Odluka, stupa na snagu, prvog narednog dana od dana objavljivanja u „Službenom glasniku Grada Zavidovići“, a primjenjivat će se od 01.01.2023. godine.



# O B R A Z L O Ž E N J E

## PRAVNI OSNOV ZA DONOŠENJE ODLUKE

Pravni osnov za donošenje ove Odluke sadržan je u:

Članu 7. stav (2), a u vezi sa članom 1. Zakona o budžetima u Federaciji Bosne i Hercegovine („Službene novine FBiH”, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), u kojem je navedeno da se uz budžete iz stava (1) člana 7. Zakona o budžetima u Federaciji Bosne i Hercegovine donosi zakon, odnosno odluka o izvršavanju budžeta, kojom se uređuje struktura prihoda i primitaka, te rashoda i izdataka budžeta i njegovo izvršavanje, prioriteti plaćanja, obim zaduživanja i izdavanje garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenja vlade, ministarstva finansija i ministra finansija u izvršavanju budžeta za tekuću godinu, kazne za neispunjene obaveze, te druga pitanja vezana za izvršavanje budžeta.

## RAZLOZI ZA DONOŠENJE ODLUKE

Razlog za donošenja ove Odluke je obaveza propisana članom 7. stav (2) Zakona o budžetima u Federaciji Bosne i Hercegovine za donošenje odluke kojom se uređuju sva pitanja vezana za izvršavanje budžeta.

## OBАЗЛОŽENJA POJEDINIХ РЈЕШЕЊА

Odredbe ove Odluke su sistematizirane u VI poglavlja i to:

### I - OPĆE ODREDBE

(U ovom poglavlju definisane su Opće odredbe ove Odluke).

### II - SADRŽAJ BUDŽETA I FINANSIJSKOG PLANA

(U ovom poglavlju definisan je sadržaj budžeta i plan rahoda i izdataka, te sadržaj kapitalnog budžeta).

### III - IZJAVA O FISKALNOJ ODGOVORNOSTI

(U ovom poglavlju definisana je fiskalna odgovornost Rukovodioca jedinstvenog općinskog organa uprave, dužnost popunjavanja Izjave o fiskalnoj odgovornosti, te dostavljanje planova otklanjanja slabosti i nepravilnosti, kao i izvještaja o otklonjenim slabostima i nepravilnostima).

### IV - IZVRŠAVANJE BUDŽETA

(U ovom poglavlju definisano je izvršavanje budžeta, namjenski prihodi i primici, neiskorišteni namjenski prihodi i primici, trošenje namjenskih prihoda i primitaka, namjensko trošenje budžetskih sredstava, uplata vlastitih prihoda, novčani tokovi, operativni planovi, plaće i naknade, obaveze, dozvoljena visina sredstava za trošenje, apropijacije, preraspodjela sredstava, tekuća budžetska rezerva, korištenje sredstava tekuće rezerve, raspored sredstava

službe koja se ukida, povrat pogrešno uplaćenih sredstava, nabavka roba i usluga, privremene mjere za uravnoteženje budžeta, izmjene i dopune budžeta, evidencija i trošenje namjenskih prihoda, posebna naknada za zaštitu od prirodnih i drugih nesreća, budžetski nadzor).

#### V - KAZNENE ODREDBE

(U ovom poglavlju definisane su novčane kazne za odgovorno lice budžetskog korisnika, nosioca izvršne vlasti grada ili drugo odgovorno lice za prekršaje odredbi Zakona o budžetima F BiH).

#### VI - ZAVRŠNE ODREDBE

(U ovom poglavlju definisano je stupanje na snagu ove Odluke).

#### FINANSIJSKI EFEKTI

Finansijski efekti ove Odluke su direktno vezani za realizaciju Budžeta u planiranom iznosu.

GRADONAČELNIK

doc, dr. Hašim Mujanović, s.r.

Obradila: Amira Tadić, s.r.

Kontrolisao: Midhat Bajramović, s.r.

